



Escola Galega da Paisaxe
Juana de Vega



Premio 2016: Restauración de lagoas na Reserva de Biosfera de Terras do Miño.

Convocatoria

Premios Juana de Vega de Intervencións na Paisaxe 2019.

Categoría: **Intervencións en espazos exteriores.**

Obxecto

O Premio Juana de Vega de intervencións na paisaxe xorde do convencemento de que a paisaxe é un elemento fundamental do patrimonio de calquera sociedade humana por incidir directamente no seu benestar físico e espiritual e por ser un recurso socio- económico de enorme potencial. Para poñer en valor e mellorar a calidade paisaxística do territorio, a Escola Galega da Paisaxe da Fundación Juana de Vega convoca o Premio como recoñecemento a aquelas intervencións no patrimonio natural e construído que contribúan a mellorar a calidade dos elementos que configuran a paisaxe de Galicia e sirvan de referencia social para futuras intervencións no mesmo.

No ano 2019 convócase o Premio na categoría de INTERVENCIÓNS EN ESPAZOS EXTERIORES, que ten por obxecto recoñecer aquelas intervencións realizadas en espazos exteriores tanto públicos como privados que contribúan a mellorar a calidade da paisaxe.

Prazos

O prazo de presentación de candidaturas estará aberto ata o **28 de xuño de 2019** e o fallo do xurado darase a coñecer no último cuadrimestre do ano.

Valoración

Dentro da súa liberdade para tomar decisións, o xurado deberá valorar os seguintes aspectos nos proxectos presentados ao premio:

- Calidade da intervención e a súa contribución á mellora da paisaxe.
- Incorporación de criterios de sostibilidade.
- Adecuación da intervención realizada aos usos previstos.
- Economía no uso dos materiais.

Candidatos

Poden ser candidatos ao premio:

Autor/es do proxecto ou da intervención, cuxo promotor sexa unha persoa física ou xurídica de natureza pública ou privada.

Só se admitirán intervencións realizadas en Galicia, que fosen rematadas entre o 1 de xaneiro de 2014 e o 31 de decembro de 2018.

As candidaturas poden ser presentadas polo autor/es ou por un terceiro, incluídas asociacións ou outras entidades que teñan coñecemento de intervencións que ao seu xuízo, poidan ser merecedoras dos premios.

O xurado poderá premiar proxectos que non se presentasen á convocatoria se os consideran merecedores do mesmo.

Dotación

O premio terá unha dotación económica de 6.000,00 €. Ademais, os premiados recibirán un diploma acreditativo.

A criterio do xurado poderán concederse dous accésits, dotados cada un deles cun diploma e unha cantidade económica de 1.500,00 €.

Os traballos premiados serán difundidos a través da web da Fundación, redes sociais, prensa xeral e medios especializados.

Xurado

O xurado estará formado por:

- **Teresa Andresen**, enxeñeira agrónoma, doctora en Ciencias Aplicadas e Medioambiente pola Universidade de Aveiro, Máster en Arquitectura da Paisaxe pola Universidade de Massachusetts, catedrática do Departamento de Botánica da Universidade de Porto.
- **Juan Manuel Palerm Salazar**, catedrático da Escola de Arquitectura das Palmas de Gran Canaria. Presidente de UNISCAPE.
- **Pedro Calaza Martínez**, doctor enxeñeiro agrónomo e doctor en Arquitectura da Paisaxe. Decano do Colexio de Enxeñeiros Agrónomos e membro do Comité de Expertos da Escola Galega de Paisaxe Juana de Vega.
- **Covadonga Carrasco López**, arquitecta en CREUS e CARRASCO, con varios galardóns entre eles: tres Premios Juana de Vega de vivendas unifamiliares e Premio na Bienal de Venecia pola Remodelación do Porto de Malpica.
- **M^a Isabel Iglesias Díaz**, doctora en Ciencias Biolóxicas, Profesora Titular no Departamento de Produción Vexetal e Proxectos de Enxeñería da USC. Coordinadora do Máster en Arquitectura da Paisaxe Juana de Vega e do Grado en Paisaxe.
- **Inés Santé Riveira**, doctora enxeñeira agrónoma, Profesora Titular no Departamento de Enxeñería Agroforestal da USC. Exdirectora do IET da Xunta de Galicia..
- **Enrique Sáez Ponte**, Presidente da Fundación Juana de Vega.
- **Isabel Aguirre de Urcola**, arquitecta e paisaxista e Directora da Escola Galega da Paisaxe Juana de Vega.

A Fundación Juana de Vega, de entre os membros do xurado, nomeará ao presidente do mesmo.

Incompatibilidade

Non poderán optar ao premio os membros do xurado e os seus asociados, así como os familiares dos mesmos, calquera que sexa o grao de parentesco.

Documentación

A proposta deberá acompañarse da seguinte documentación:

- a _ Formulario de presentación de candidaturas (ANEXO) cumprimentado e asinado polo autor ou pola persoa que presenta a candidatura.
- b _ Certificación asinada polos autores na que se dea fe do remate da obra dentro do prazo establecido no apartado quinto das bases (periodicidade), así como a data de visado e o número de expediente colexial, acompañado do certificado final de obra, no caso de que polo tipo de intervención, se requira visado colexial.
- c _ Declaración Xurada do autor ou autores sobre os datos económicos obxecto do proxecto ou da intervención, na que se indicará o orzamento total de execución da intervención rematada e metros cadrados obxecto da mesma.
- d _ Fotografías e planos do estado previo ao inicio das obras e do estado final das mesmas.
- e _ Plano de situación da intervención que permita a súa localización.
- f _ Breve memoria descritiva da intervención en formato DIN A3 en horizontal, a unha soa cara, na que xustificarán os materiais empregados e os demais valores estimados a xuízo do autor/es. Esta memoria acompañarase de planos de situación e representativos da intervención realizada, no mesmo formato DIN A3

Toda a documentación deberá presentarse en soporte papel co formato e as dimensións indicadas nos apartados anteriores ademais de en soporte dixital en arquivo PDF. As fotografías deberán ter unha resolución mínima de 300PPP en formato JPG.

A documentación achegada quedará en propiedade da Fundación Juana de Vega. Igualmente, todo o material gráfico e fotográfico estará libre de dereitos de autor e os concursantes galardoados co Premio ou cun accésit, autorizan expresamente á Fundación Juana de Vega, polo feito de presentar a súa candidatura, a utilizar a documentación gráfica para a edición de publicacións en soporte papel ou en dixital, co obxectivo de difundir os resultados das diferentes convocatorias.

Lugar de presentación de candidaturas

As candidaturas deberán presentarse en:

Fundación Juana de Vega

Rúa Salvador Allende, 92, 15176, San Pedro de Nós – Oleiros (A Coruña)

Tel. +34 981 654 637

e-mail.: info@juanadevega.org

web: www.juanadevega.org

Fallo do xurado

O xurado, á vista da documentación presentada, poderá realizar unha selección previa daquelas intervencións ou obras que considere reúnen condicións suficientes para optar ao premio, e realizar unha posterior visita ás mesmas. Os premios e os accésits poderán quedar desertos se as propostas presentadas non se consideran axustadas aos obxectivos do mesmo.

Unha vez analizadas todas as propostas, as decisións do xurado adoptaranse por maioría simple, sen voto de calidade. As decisións do xurado así adoptadas serán inapelables.

O fallo do xurado farase público a través da páxina web da Fundación Juana de Vega e noutros medios. Igualmente, os autores premiados recibirán unha comunicación por escrito na que se lles dará conta da resolución do xurado.

A entrega do premio realizarase nun acto público que terá lugar na sede da Fundación Juana de Vega, no último cuadrimestre de cada ano.

Aceptación das bases

A simple presentación de propostas para optar ao premio, implica o coñecemento e a plena aceptación das bases da convocatoria que pode consultar na seguinte ligazón: **Bases Premio**

Anexo

Formulario de presentación da candidatura ao premio Juana de Vega de Intervencións na Paisaxe 2019.

Categoría Intervencións en espazos exteriores

Nome da intervención:

Situación da intervención (dirección, concello e provincia):

Autor/es da intervención:

Colaboradores:

Promotor:

Dirección postal:

Email:

Teléfono:

Data remata obras:

Orzamento total:

Orzamento de contrata:

Superficie de actuación (m2):

Firma:

En _____ a _____ de _____ de 2019